



Broj: 06-1-07-1-1495/16
Sarajevo, 14.12.2016. godine

Na osnovu člana 2.9 stav (1) tačka 9, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i Poglavlja VI. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14 i 90/16), Centralna izborna komisija Bosne i Hercegovine je na 93. sjednici, održanoj 14.12.2016. godine, d o n i j e l a

ODLUKU

o utvrđivanju rezultata posrednih izbora i dodjeli mandata iz Općinskog vijeća Novi Grad Sarajevo za Gradsko vijeće Grada Sarajeva

- (1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Novi Grad Sarajevo, kako slijedi:
1. kandidatska lista grupe vijećnika- Gabela, Osmanović, Šandal, Jurić, dobila je **šest (6)** glasova,
 2. kandidatska lista političke stranke Demokratska fronta, dobila je **pet (5)** glasova,
 3. kandidatska lista političke stranke Savez za bolju budućnost BiH- Fahrudin Radončić, dobila je **pet (5)** glasova,
 4. kandidatska lista grupe vijećnika- Peštek, Gušo, Selimbegović, Vukadin dobila je **pet (5)** glasova,
 5. kandidatska lista grupe vijećnika- Biber Bajro Junuz Sead, dobila je **pet (5)** glasova,
 6. kandidatska lista političke stranke Naša stranka, dobila je **četiri (4)** glasa,
 7. kandidatska lista grupe vijećnika- Hodžić Hasan, Pehilj Elida, **nije dobila nijedan glas,**
 8. kandidatska lista političke stranke SDA- Stranka demokratske akcije, **nije dobila nijedan glas,**
 9. kandidatska lista političke stranke Socijaldemokratska partija BiH, **nije dobila nijedan glas,**
- (2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Novi Grad Sarajevo sljedećim vijećnicima:
1. Gabela Edina- Ostali,
 2. Velić Lana- Ostali,
 3. Fijuljanin Sanela- Bošnjakinja,
 4. Peštek Enes- Bošnjak,
 5. Biber Bajro- Bošnjak,
 6. Vukadin Toni- Hrvat, i
 7. Jurić Mira- Srpkinja.

O b r a z l o ž e n j e

Općinsko vijeće Novi Grad Sarajevo je dana 08.12.2016. godine, dostavilo akt broj: 01-02-27405/16 od 08.12.2016. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva, koji čine: glasački listići, zapisnici i birački spisak.

U skladu sa članom 22. Statuta Grada Sarajeva („Službene novine Kantona Sarajevo“ br. 12/98, 14/98, 25/05, 23/08 i 32/08) svako općinsko vijeće vrši izbor po sedam (7) delegata u Gradsko vijeće.

U postupku izbora vijećnika za Gradsko vijeće Grada Sarajeva učestvovalo je 30 vijećnika i imali su mogućnost dati glas za devet (9) prethodno potvrđenih i ovjerenih kandidatskih listi.

Na osnovu uvida u dostavljeni materijal utvrđeni su sljedeći rezultati:

1. kandidatska lista grupe vijećnika- Gabela, Osmanović, Šandal, Jurić, dobila je **šest (6)** glasova,
2. kandidatska lista političke stranke Demokratska fronta, dobila je **pet (5)** glasova,
3. kandidatska lista političke stranke Savez za bolju budućnost BiH- Fahrudin Radončić, dobila je **pet (5)** glasova,
4. kandidatska lista grupe vijećnika- Peštek, Gušo, Selimbegović, Vukadin dobila je **pet (5)** glasova,
5. kandidatska lista grupe vijećnika- Biber Bajro Junuz Sead, dobila je **pet (5)** glasova,
6. kandidatska lista političke stranke Naša stranka, dobila je **četiri (4)** glasa,
7. kandidatska lista grupe vijećnika- Hodžić Hasan, Pehilj Elida, **nije dobila ni jedan glas,**
8. kandidatska lista političke stranke SDA- Stranka demokratske akcije, **nije dobila nijedan glas,**
9. kandidatska lista političke stranke Socijaldemokratska partija BiH, **nije dobila nijedan glas.**

Nadalje, odredbom člana 13.10 stav (2) Izbornog zakona Bosne i Hercegovine propisano je da se mandati za gradsko vijeće, odnosno skupštinu grada dodjeljuju kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

Imajući u vidu naprijed navedenu zakonsku odredbu, raspodjelom mandata u Gradsko vijeće Grada Sarajeva, prema utvrđenim rezultatima iz stava (1) dispozitiva ove odluke, bilo bi delegirano pet vijećnika iz reda Bošnjaka i dva vijećnika iz reda Ostalih.

U skladu sa članom 23. stav (5) Statuta Grad Sarajeva, svako općinsko vijeće koje čini Grad Sarajevo delegira najmanje jednog kandidata iz reda konstitutivnog naroda. Općinsko vijeće Novi Grad Sarajevo za Gradsko vijeće, među sedam izabраниh gradskih vijećnika nije delegiralo najmanje jednog kandidata iz reda konstitutivnih naroda, **odnosno, nije delegiran pripadnik iz reda srpskog naroda i iz reda hrvatskog naroda.**

Odredbama člana 23. stav (11) Statuta Grada Sarajeva propisano je „Ukoliko se ovako provedenim izborima u općinskom vijeću za Gradsko vijeće među sedam izabраниh gradskih vijećnika ne dobije minimalno potrebna zastupljenost vijećnika iz pojedinog konstitutivnog naroda, kako je to navedeno u stavu 5. ovog člana, umjesto izabranog vijećnika za Gradsko vijeće s najmanjim količnikom iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju među

delegatima iz tog općinskog vijeća, a koji je na kandidatskoj listi kojoj pripada sljedeći najveći količnik. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik i tako sve dok se ne dođe do kvalificiranog kandidata.

Na osnovu rezultata provedenih izbora utvrđeno je da kandidatska lista grupe vijećnika- Gabela, Osmanović, Šandal, Jurić ima najmanji količnik 2.00 i kandidatska lista političke stranke Naša stranka ima sljedeći najmanji količnik 4.00.

Nadalje, uvidom u ovjerene kandidatske liste utvrđeno je da kandidatska lista grupe vijećnika- Gabela, Osmanović, Šandal, Jurić na poziciji 4. ima kandidate iz reda srpskog naroda.

Shodno naprijed navedenim činjenicama, mandat je dodijeljen nedostajućem kandidatu iz reda konstitutivnih naroda na poziciji 4. Jurić Mira – Srpkinja, umjesto kandidata na poziciji 2. Osmanović Nazif- Bošnjak, sa iste kandidatske liste.


Sljedeći najmanji količnik 4,00 ima kandidatska lista političke stranke Naša stranka, te na istoj nema kandidata iz nedostajućeg konstitutivnog naroda (Hrvat). Uvidom u ovjerene kandidatske liste utvrđeno je da jedino kandidatska lista grupe vijećnika- Peštek, Gušo, Selimbegović, sadrži predstavnika odgovarajućeg konstitutivnog naroda na poziciji 4. Vukadin Toni- Hrvat, te se mandat dodjeljuje Vukadin Toniju - Hrvat sa kandidatske liste grupe vijećnika-Peštek, Gušo, Selimbegović, Vukadin umjesto Ophodaš Ibrahim - Bošnjak.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 14.12.2016. godine u 16:00 sati na web stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo ili putem faks aparata na broj: 033/251-329.



Predsjednik

Dr. Ahmet Šantić